

fere in totum, uiris autem matutino, exeuntes cauer-
nis prius quam aliquo fortuito ictu ieiunum egerant
uenenum. Semper cauda in ictu est nulloque momento 87
meditari cessat, ne quando desit occasioni; ferit et
obliquo ictu et inflexo. Venenum ab iis candidum
fundi Apollodorus auctor est, in nouem genera
discriptis per colores maxime superuacuos, quoniam
non est scire quos minime exitiales praedixerit. Gemi-
nos quibusdam aculeos esse, maresque saeuissimos —
nam coitum iis tribuit, — intellegi autem gracilitate
et longitudine; uenenum omnibus medio die, cum 88
incanduerit solis ardoribus, itemque, cum sitiunt,
inexplebiles potus. Constat et septena caudae inter-
nodia saeuiora esse; pluribus enim sena sunt. Hoc
malum Africae uolucres etiam austri faciunt panden-
tibus brachia ut remigia subleuant; Apollodorus
idem plane quibusdam inesse pinnas tradit. Saepe 89
Psylli, qui reliquarum uenena terrarum inuehentes
quaestus sui causa peregrinis malis impleuere Italiam,
hos quoque importare conati sunt, sed uiuere intra
Siculi caeli regionem non potuerunt. Visuntur tamen
aliquando in Italia, sed innocui, multisque aliis in
locis, ut circa Pharum in Aegypto. In Scythia intere- 90
munt etiam sues, alioqui uiuaciores contra uenena
talia, nigras quidem celerius, si in aquam se inmerse-
rint. Homini icto putatur esse remedio ipsorum cinis